

Hoihhung “Nazdazmu” Neimungzguj:

Doxdax Miz Daegsaek Yienhciengz Nauhyied Hoenghhwd

特色竞技隆重壮观的内蒙古那达慕大会

□ Dauyiznax Gujhwngz ingj Siobhyngz boiz



Gwih max doxdax buet, buekmingh guh bouxdaeuz.



▲ Boudoxbeg yatdiuq, mwngz liuh byawz ndaej hingz.



▲ Max buet beij nyingz naq, engqya miz bonjsaek.



▲ Ciengz nyingz naq doxdax, daihgya beij goengfou.

Moix bi liggaueq ndwenloeg coseiq (dingzlai dwg youq ligmoq caet bet nyied seiz nywj heu va nding、yiengz biz max cangq neix), beixnuengx Mungzgujcuuz cungj angqyangz gvaq ngoenzciet hoihhung “nazdazmu”, ndaw gvaengzlaengx bak lai song bak leix de, gyoengq muzminz cungj fan aeu ndangdaenj Mungzgujcuuz moq okdaeuj, cang-ndang moqsup gyaeuget, daengx ranz lauxlaux nyaeqnyaeq, daiq aen Mungzgujbauh caeuq doxgaiq gwn nem ngoenzyungh, dap cimax gwih max dwk, daj seiq fueng bet baih comz daengz gizdieg banh ciet de gvaq ngoenzciet, camgya guh roxnaeuz yawjgonz gak cungj gak yiengh vwnz dij hozdung; gij canghdajgai canghbuenq gyawjgyae haenx caemh doz doxgaiq daeuj baijdan dajgai guh seng'eiq, mbanj gai doxgaiq ngoenzyungh, mbanj soucawx bwnyiengz daengj doxgaiq dangdieg, yienhciengz nauhyied hoenghhwd.

“Nazdazmu” lizsij gyaenanz, ciuq sawgaek gwnz dat 《Sawdat Cwngzgizswghan》 geiq naeuz, “nazdazmu” youq guek Mungzguj laebbaenz cogeiz, Cwngzgizswghan ndaej doigawj dang goengvuengz Mungzguj, de vih cazyawj aen bingdoih bonjfaenh, henhoh caeuq faenboiq diegnywj, moix bi liggaueq ndwenloeg cungj banh mbat doxcomz hung ndeu, heuh goengdaeuz gak aen gyokgyog comz daengz giz ndeu, vih yienh'ok yiengh doxgiet doxndei caeuq angq hoh fungsou, caemh doengzseiz banh “nazdazmu”. Hainduj moix bi caenh banh nyingz naq, gwih max doxdax roxnaeuz doxbeg ndawde hangh ndeu; daengz Cuihyenz、Cuihmingz le, nyingz naq, gwih max doxdax、doxbeg sam hangh

neix hab hwnjdaeuj banh, baenz le cungj hingzik dingh banh ndeu; daengz Cuihcingh, “nazdazmu” ciemhciemh bienqbaenz cungj hozdung guh'angq miz muzdiz、miz cujiz youz guenfueng dinghgeiz comz banh ndeu, aeu suhmuz (dangq yangh)、giz (dangq yienh)、mungz (dangq digih si) guh danhvei, buenq bi、bi ndeu roxnaeuz sam bi banh mbat ndeu, itbuen lienzdaemh banh sam daengz haj ngoenz, itcig cienz daengz seizneix. “Nazdazmu” geizgan, sien aeu banh aen hozdung caeqcuengq hoenghhwd ndeu, youz lazmah siuyieng diemj daeng, ngon ging danq baed, mbaenjgouz saenzlingz baujyouh, siu cai siu nanh; riengzlaeng guh doxbeg、gwih max doxdax、nyingz naq、gyongx max、dwk geiz Mungzguj doenghgij hanghmoeg conzdung minzcuuz neix, mbanj dieg lij banh miz denzging、bengcag、dwk baizgiuz lanzgiuz doenghgij diyyuz hanghmoeg neix, doengh bi neix daeuj, hoihhung lij demgya le dwkgienz、dwkgiuzmax、gwnz max buet nyingz naq、gwnz max buet bagraemj、gwih max beij byaij vaiq、hai cimozdoz doenghgij biujyienj cezmuz neix, hawj hoihhung engq nauhyied engq ndeiawj engq yinx vunz. Daengz doengxhaemh le, gwnz ranghnywj lij haprwenz gij sing gimzyaeujmax sing go sepset rwenzred haenx hwnjdaeuj, gyoengq mbauqsau hopngomx feizdong itmienh diuq foux itmienh ciengq go, ganggangj riuriu, angq nauh mbouj dingz.

Cawz Neimungz le, gyoengq beixnuengx Mungzgujcuuz Ganhsuz、Cinghhaij、Sinhgyangh hix caemh angqangq yangzyangz dwk comz gvaq aen ciet hoengh neix.



▲ Caeq aubauh yizsi, mbaenj bibi an'onj.



▲ Giz bank nazdazmu, vunz gvukux lai raeuh.



▲ Gyongx maxcoz ma faek, aenmbai daegbied hung.



▲ Gwnz max gip doxgaiq, bouxsai bonjsaek ak.



▲ Bouxak beij gyongx max, guh maz cungj aeu ak.



▲ Doxbeg haenq dangqmaz, vunz byaengqda humx yawj.